

ქართული ენის მართლწერის ტესტი

ნიმუშები:

- მორფოლოგია

რომელ ვარიანტშია მოცემული სიტყვების სწორი დაწერილობა?

- ა. ჩემს მიერ, ჩვენს შესახებ, ჩვენს ნაცვლად.
- ბ. ჩვენსკენ, ჩვენს მარცხნივ, ჩვენს უკან.
- გ. თქვენს გარშემო, თქვენს შორის, თქვენს ახლოს.
- დ. თქვენ მიმართ, თქვენ გამო, თქვენ გვერდით.

- სინტაქსი

რომელ ვარიანტშია სინტაქსური შეცდომა?

- ა. ყველა გაოცებული იყო, რადგან ამას არავინ ელოდა.
- ბ. ყველა მოვიდა, რადგან ასეთ დროს მოუსვლელიობა არ შეიძლებოდა.
- გ. ყველა მოვიდა, რათა საკუთარი აზრი გამოეთქვა.
- დ. ყველა დაბნეული იყო, რათა მომხდარი კარგად ვერც კი გაეანალიზებინა.

- ლექსიკა

გამოტოვებულ ადგილას ჩასასმელად აირჩიეთ კონტექსტისთვის შესაფერისი სიტყვა.

ადვოკატი უკმაყოფილო იყო იმით, რომ სასამართლოს გადაწყვეტილებას აკლდა -----
დასაბუთება.

- ა. სამართლებრივი
- ბ. კანონიკური
- გ. საკანონმდებლო
- დ. ლეგალიზებული

- **პუნქტუაცია**

რომელ ვარიანტშია სასვენი ნიშნები სწორად დასმული?

- ა. ცხადია ეს ხელმძღვანელის გადასაწყვეტია და შესაბამისად, მის პასუხს უნდა დაველოდოთ.
- ბ. ცხადია, ეს ხელმძღვანელის გადასაწყვეტია და შესაბამისად, მის პასუხს უნდა დაველოდოთ.
- გ. ცხადია ეს ხელმძღვანელის გადასაწყვეტია და შესაბამისად მის პასუხს უნდა დაველოდოთ.
- დ. ცხადია, ეს ხელმძღვანელის გადასაწყვეტია და შესაბამისად მის პასუხს უნდა დაველოდოთ.

- **სტილი**

რომელ ვარიანტშია მოცემული სტილისტურად გამართული წინადადება?

- ა. ავიაკომპანიამ ბოდიში გადაუხადა მგზავრებს ფრენების გაუქმებისთვის და მიზეზად უამინდობა დაასახელა.
- ბ. კალათბურთელების ნაკრებმა ფინალურ თამაშში გამარჯვება დაისაკუთრა.
- გ. სოფლის მოსახლეობა უკვე ერთი კვირაა ხორბლის მოსავალს იღებს.
- დ. წიგნების მაღაზიაში სამეცნიერო ლიტერატურა მომავალი კვირიდან იქნება გაყიდვაში.

- **ტექსტის რედაქტირება**

აკაკის რამოდენიმე ცნობილი სურათი არსებობს.

მოცემულ წინადადებაში სიტყვას „რამოდენიმე“ არასწორი დაწერილობა აქვს, სწორი ფორმაა „რამდენიმე“.